

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАҲСУС ТАЪЛИМ ВАЗИРЛИГИ  
НАМАНГАН ДАВЛАТ УНИВЕРСИТЕТИ**

**Иқтисодиёт факультети  
“Иқтисодиёт” кафедраси  
ИҚТИСОДИЙ СИЁСАТГА КИРИШ  
фанидан**

**ТАҚДИМОТ**

**Маъruzachi: Турон ФА академиги Р.М.Ахмедов**

## РЕЖА:

1.

- Давлатнинг иқтисодий сиёсати курсининг долзарбилиги, мақсади.

2.

- Давлатнинг иқтисодий сиёсати таърифлари ва кўнималари.

3.

- Давлатнинг иқтисодий функциялари.

## **1. Давлатнинг иқтисодий сиёсати курсининг долзарблиги, мақсади.**

Иқтисодиётнинг қонун-қоидалариға амал қилиш иқтисодий сиёсат орқали юз беради, чунки буларни англаган ҳолда иқтисодиёт ривожига оид чора-тадбирлар ишлаб чиқилади ва булар иқтисодиётга таъсир этмай қолмайди.

**Иқтисодий сиёсат** – бу иқтисодиёт субъектларининг ўз фаолиятига оид йўл-йўриқлари ва саъй-харакатларининг мажмуудир. Ҳар бир иқтисодиёт иштирокчисининг, бу хонадонми, фирмами ёки давлатми бунинг фарқи йўқ, ўз манфаатлари бор. Бу манфаатлар амалиётда аниқ мақсад шаклига киради, иқтисодий сиёсат эса уни амалга оширишга қаратилади.

**Хонадоннинг мақсади** ўз истеъмолини максимумлаштириш ва келажакни таъминлаш учун жамғарма ҳосил этишдир.

**Фирманинг мақсади** эса фойдани максимумлаштириш ва иқтисодий жиҳатдан барқарорлигини таъминлашдир.

**Давлатнинг мақсади** эса, миллий иқтисодиётнинг барқарор ўсишини ва шу асосда халқ фаровонлигини таъминлашдан иборат.

## **2. Давлатнинг иқтисодий сиёсати таърифлари ва кўникумлари.**

Иқтисодий сиёсат уч даражада бўлади, улар: микро, макро ва мета (халқаро) сиёсатдир.



## Давлатнинг сиёсати

→ **Давлатнинг сиёсати** – бу макроиктисодий сиёсат бўлиб, унинг муайян мамлакатнинг миллий иқтисодига тааллуқли йўл-йўриқлари ва улардан келиб чиқадиган саъй-ҳаракатларидан иборатdir.

→ Давлатнинг сиёсати ҳар доим **миллий** бўлади, мамлакат ривожининг ички ва ташки шароитини хисобга олади.

→ Сиёсатда энг аввал мамлакат иқтисодиётининг ҳолати, халқаро иқтисодий конъюнктурунинг миллий иқтисодиётга нечоғлик таъсир этиши, унда кутилаётган ўзгаришлар мамлакат зиммасига олган халқаро мажбуриятнинг қандайлиги, мамлакат иқтисодиётининг ресурслар билан таъминланиш даражасидан келиб чиқади, илгари амалга оширилган чора-тадбирлар берган натижа ҳам хисобга олинади. Давлат сиёсати давлат раҳбарларининг иродаси ва қатъиятлигига ва етилган иқтисодий муаммоларни нақадар идрок этишларига ҳам боғлик бўлади.

**Давлатнинг сиёсати миллий манфаатлардан келиб чиқсан ҳолда  
маълум мақсадларни кўзлайди. Булардан асосийлари қуидагилар:**

1. Барқарор иқтисодий ўсишни таъминлаш. Бу ялпи ички маҳсулотнинг бир маромда ва етарли суръатлар билан ўсишига шароит ҳозирлашни билдиради, чунки ЯИМ қанчалик тез ўssa, мамлакат иқтисодий қудрати шунчалик ошади.
2. Миллий иқтисодиётнинг мустақиллигини таъминлаш, унинг чет элга қарам бўлишига йўл қўймаслик. Иқтисодиёт қанчалик мустақил бўлса, шунчалик миллий манфаатларга кўпроқ хизмат қиласди.
3. Иқтисодий хавфсизликни таъминлаш. Бу иқтисодий айланманинг узлуксизлигини, яъни такрор ишлаб чиқаришнинг тўхтовсиз давом этишини, иқтисодий фалажликка йўл қўйилмаслигини билдиради.

**Давлатнинг сиёсати миллий манфаатлардан келиб чиқсан ҳолда  
маълум мақсадларни кўзлайди. Булардан асосийлари қуидагилар:**

4. Миллий пул қадр-қийматининг барқарорлигини таъминлаш – мамлакатдаги пул муомаласининг меъёрида боришига эришиш, пулни иқтисодий алоқаларнинг мунтазам ишлаб турувчи воситасига айлантириш.
5. Аҳоли турмуш фаровонлигини мустақил ошириб, иқтисодиётнинг ижтимоийлигини тўлароқ юзага чиқаришга кўмаклашиш.
6. Миллий иқтисодиётни халқаро интеграцион жараёнлар ва глобализацияда фаол иштирок этиб, халқаро иқтисодиётда ўз ўрнини топиши, байналминал иқтисодий муносабатларнинг teng ҳуқуқли иштирокчисига айланишига эришиш.

**Давлатнинг сиёсати миллий манфаатлардан келиб чиқсан ҳолда  
маълум мақсадларни кўзлайди. Булардан асосийлари қуидагилар:**

7. Миллий иқтисодиётнинг истикболини таъминлаш, яъни уни узок келажакда ўсиб боришига шароит ҳозирлаш.

Булар иқтисодий сиёсатнинг стратегик, яъни узок даврга мўлжалланган мақсади хисобланади.

Бироқ унинг қисқа вақтдаги тактик, яъни жузъий мақсадлари ҳам бор.

Булар жумласига иқтисодий танглиқдан чиқиб кетиш, нархларнинг барқарорлигини таъминлаш, инвестицион фаолликни рағбатлантириш, экспорт салоҳиятини ошириш, новацияларни таъминлаш, янги ташқи бозорларга кириб бориш кабилар киради.

Жузъий мақсадлар стратегик мақсадлардан келиб чиқади ва уларга хизмат қиласди.

## **Давлат сиёсати белгилаган мақсадларга қуйидаги воситалар билан эришади:**

- Биринчиси**, иқтисодий воситалар бўлиб, булар жумласига соликлар, субсидиялар, лицензиялар, экспорт квоталари, учёт ставкалари, давлат буюртмалари, давлат инвестициялари, трансферлар, турли иқтисодий санкциялар (жазолаш воситалари) кабилар киради.

## **Давлат сиёсати белгилаган мақсадларга қуйидаги воситалар билан эришади:**

- **Иккинчиси**, юридик воситалар. Бу иқтисодий фаолият тартиби ва қоидаларини, унинг давлат томонидан рағбатлантирилишини белгилаб берувчи қонунларни, уларга мос равишдаги қонун ости ҳужжатларини ишлаб чиқиши, уларни қабул қилиш ва жорий этишдан иборатdir.
- Қонунчилик иқтисодиётнинг ҳуқуқий асосларини белгилаб беради, булар эса бозор иқтисодиётининг объектив иқтисодий қонунлари талабидан келиб чиқиши зарур. Иқтисодиётга оид юридик қонунларни парламент қабул қиласи. Ҳукумат эса уларнинг амалга оширилишини таъминлайдиган қарорлар ва фармойишларни ишлаб чиқади. Тегишли давлат идоралари қонунларнинг амалга оширилишини назоратга олади.

## **Давлат сиёсати белгилаган мақсадларга қуидаги воситалар билан эришади:**

- Учинчиси**, сиёсий-маъмурый воситалар. Давлат ҳокимият соҳиби бўлганидан ўз сиёсатига риоя этилишини ўз органлари кучи билан таъминлайди. Давлат олий сиёсий институт ҳисобланар экан, унинг қарорлари ва буйруқларига ҳамма итоат этиши керак бўлади. Маъмурый усул ёрдамчи усул ҳисобланади, у бозор тизимида яхши натижа бермаганидан чекланган ҳолда қўлланилади.

### 3. Давлатнинг иқтисодий функциялари.

Иқтисодиёт яхлит бўлар экан, иқтисодий сиёсат ҳам ягона дир. **Давлатнинг иқтисодий сиёсати** – бу макроиктисодий сиёсат бўлиб, унинг муайян мамлакатнинг миллий иқтисодига оид пухта ўйланган ва ишлаб чиқилган йўл-йўриқлари ва улардан келиб чиқадиган сайд-харакатлари дир. Лекин давлат сиёсатининг аниқ йўналишлари бор.

**Монетар сиёсат** – бу давлатнинг пул-кредит сиёсати бўлиб, пул муомаласини тартиблаш, товар ва пул массаси ўртасидаги мувозанатни таъминлаш, иқтисодиётдаги пул оқимларини бошқариб туриш сиёсати ҳисобланади. Унинг мақсади нархларни ва шунга кўра миллий пул бирлиги ҳарид қурбини, унинг валюта курсини барқарорлаштириш, охир-оқибатда пулга талаб билан унинг таклифини мувозанатлаштиришдан иборат бўлади.

## **Монетар сиёсатнинг учта асосий жиҳати бор:**

**1. Қайта молиялаштириш ёки ҳисоб сиёсати.** Бунда давлат номидан марказий банклар учёт ставкасини ўзгартиради. Ставка ошганда пул қимматлашиб, унга талаб қисқаради. У пасайтирилганда пул арzonлашиб, унга талаб ошади. Бу айни пайтда кредитнинг арzon ёки қиммат бўлишини билдиради. Бу эса иқтисодиётга кредит ҳисобидан юбориладиган инвестицияларни ўзгартириб, унинг ўсишига таъсир этади.

## **Монетар сиёсатнинг учта асосий жиҳати бор:**

**2. Очиқ бозорда операциялар ўтказиш сиёсати.** Бу давлат облигацияларини чиқариб, фирмалар, банклар ва аҳолига сотиш ва вақти келганда уларни қайтадан сотиб олишни билдиради. Бу облигацияларни олиш қулай бўлади, чунки уларга қатъий белгиланган фоизни давлат тўлайди, бу билан уларнинг даромадлилиги кафолатланади. Давлат облигациялари сотилганда пул уларга боғланиб қолади, натижада унинг муомаладаги микдори қисқаради. Аксинча, улар қайтадан сотиб олинганда пул улардан бўшаб, муомалага келади, у ердаги пул микдори кўпаяди. Демак, бу усул билан ҳам пул микдори тартибланади.

## Монетар сиёсатнинг учта асосий жиҳати бор:

**3. Мажбурий резерв сиёсати.** Бу сиёсатга биноан марказий банклар бошқа банклар учун кредит ресурсининг мажбурий резервини киритади. Бу тартибга кўра банклар кредитга бериладиган пулнинг бир қисмини марказий банклар ихтиёрига беради. Бу резерв ошса, кредит пули қисқаради, агар у камайса, бу пул кўпаяди. Масалан, мамлакатда жами кредит ресурслари 80 млрд. доллар. Шундан 10 фоиз захира ўтказилса, кредит учун 72 млрд. доллар қолади. Борди-ю бу захира 15 фоизга чиқарилса, кредитга 68 млрд. доллар қолади. Бу билан кредитга мўлжалланган пулнинг таклифи ошади ёки қисқаради. Шунга қараб, кредит олиш гоҳ ошиб, гоҳ қисқариб туради. Монетар сиёсатнинг айтилган йўналишлари шуни кўрсатадики, унда турли иқтисодий воситалар қўлланилади.

## **Монетар сиёсат икки хил бўлади:**

- 1) **қаттиқ сиёсат.** Бунда пул массаси қисқартирилади, унинг эмиссия (пул чиқариш) ҳисобидан ўсиши қатъий чегараланади. Натижада пул массаси қисқариб, товар массасига тенглашади. Пулнинг қисқариши талабни камайтиради, нархлар эса ўсмайди, пул бирлигининг харид қурби барқарорлашади. Пул топишга интилиш иқтисодиётнинг жонланишига олиб келади. Бундай сиёсат илгари таъкидлаганимиздек, одатда иқтисодиётни тангликдан чиқариш ёки инфляцияни кескин сусайтириш учун қўлланилади;

## **Монетар сиёсат икки хил бўлади:**

- 2) **юмшоқ монетар сиёсат.** Бунда давлат пул массасининг ортишига тўсқинлик қилмайди, пул эмиссияси ҳадеб чекланавермайди, натижада пул кўпайиб, унинг арzonлашви юз беради. Юмшоқ сиёсат иқтисодиёт ўсиш паллада бўлганда кўпроқ қўлланилади, чунки пул массасининг ўсишига қараб товарлар массаси ҳам ўсади. Бунда товар-пул мувозанати пулни қисқартириш ҳисобидан эмас, балки товарларнинг кўпайиши туфайли таъминланиб туради.